



postupak izmjena i dopuna Statuta; odobravanje i tumačenje Statuta.

#### Član 2.

(Registracija i pravni status)

- (1) Operator je osnovan kao neprofitno pravno lice i kao takav upisan u Registru pravnih lica kod Općinskog suda u Mostaru, u skladu sa Odlukom o osnivanju operatora za obnovljive izvore energije i efikasnu kogeneraciju ("Službene novine Federacije BiH", br. 90/13 i 96/14) i Zakonom o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 5/14), (u daljem tekstu: Zakon).
- (2) Operator je Rješenjem o registraciji broj Tt-O-I/14 od 14.01.2014. godine upisan u Registar pravnih lica kod Općinskog suda u Mostaru (u daljem tekstu: Registar), kao institucija koja ima javna ovlaštenja i dodijeljen je broj MBS: 58-05-0002-14.
- (3) Operator ima status neprofitnog pravnog lica s pravima, obavezama i odgovornostima u skladu sa Zakonom, Odlukom o statusnim pitanjima i organizaciji Operatora za obnovljive izvore energije i efikasnu kogeneraciju (u daljem tekstu: Odluka) i ovim Statutom.

#### DIO DRUGI: NAZIV I SJEDIŠTE

##### Član 3.

(Naziv)

- (1) Puni naziv Operatora za obnovljive izvore energije i efikasnu kogeneraciju glasi: Operator za obnovljive izvore energije i efikasnu kogeneraciju.
- (2) Skraćeni naziv glasi: Operator za OIEiEK.
- (3) Operator je dužan u poslovanju koristiti puni ili skraćeni naziv kakav je upisan u Registar.

##### Član 4.

(Sjedište)

- (1) Sjedište Operatora je u Mostaru, ulica Adema Buća br. 34.
- (2) O promjeni naziva i sjedišta Operatora odlučuje Vlada Federacije Bosne i Hercegovine.

##### Član 5.

(Pečat i upotreba pečata)

- (1) Operator ima pečat.
- (2) Posebnim općim aktom Operatora utvrđuje se način upotrebe pečata, osobe odgovorne za njegovo čuvanje, kao i druga pitanja u skladu sa Zakonom o pečatima u Federaciji Bosne i Hercegovine ("Službene novine Federacije BiH", br. 2/94, 21/96 i 46/97).

#### DIO TREĆI: NADLEŽNOST

##### Član 6.

(Nadležnost)

Operator, u okviru Zakonom utvrđenih nadležnosti, obavlja sljedeće djelatnosti:

- a) donosi interna pravila rada i poslovanja Operatora,
- b) prikuplja, obrađuje i vodi evidenciju o ukupnoj električnoj energiji proizvedenoj u postrojenjima kvalificiranih proizvođača,
- c) u skladu sa članom 26. Zakona, na zahtjev privilegovanog proizvođača, zaključuje ugovor o otkupu električne energije po garantovanim otkupnim cijenama i vrši otkup ukupne električne energije proizvedene iz postrojenja privilegovanog proizvođača,
- d) u skladu sa članom 20. Zakona, na zahtjev kvalifikovanog proizvođača, zaključuje ugovor o otkupu električne energije po referentnoj cijeni i vrši otkup ukupne električne energije proizvedene iz postrojenja kvalifikovanog proizvođača,

- e) u skladu sa članom 26. Zakona, na zahtjev potencijalnog privilegovanog proizvođača, zaključuje predugovor za otkup električne energije po garantovanim otkupnim cijenama,
- f) vrši obračun i isplatu finansijskih sredstava za isporučenu električnu energiju privilegovanim proizvođačima koji su zaključili ugovor sa Operatorom po garantovanim cijenama, odnosno kvalificiranim proizvođačima po referentnoj cijeni za isporučene količine proizvedene energije,
- g) u skladu sa članom 27. stav (2) Zakona zaključuje ugovor o otkupu električne energije sa mikroproizvođačem, te vrši obračun i isplatu finansijskih sredstava za isporučenu električnu energiju,
- h) sa svakim pojedinačnim snabdjevačem iz Federacije Bosne i Hercegovine i kvalificiranim kupcem koji električnu energiju za vlastite potrebe nabavlja od snabdjevača van teritorije Federacije, sklapa ugovor kojim će se detaljno urediti sva međusobna prava i obaveze, uključujući prikupljanje naknada kao i obavezu snabdjevača i kvalificiranih kupaca da izda Operatoru odgovarajuće garancije za osiguranje uplata, izrađuje analize ostvarenih količina električne energije u odnosu na planirane količine električne energije proizvedene iz obnovljivih izvora energije,
- i) vrši fakturisanje i naplatu od snabdjevača za isporučenu električnu energiju proizvedenu iz postrojenja privilegovanih proizvođača, po referentnoj cijeni,
- k) prikuplja i obrađuje podatke o ukupnoj finalnoj potrošnji električne energije u Federaciji BiH koje dostavljaju Operatori mreže, snabdjevači i kvalificirani kupci iz alineje h) ovog stava, na mjesečnom nivou, radi obračuna naknada,
- l) prikuplja naknade za podsticanje od snabdjevača i kvalificiranih kupaca iz alineje h) ovog stava,
- m) sudjeluje u predlaganju pravila o balansiranju elektroenergetskog sistema u saradnji s ovlaštenim institucijama, uključujući i pravila za obračun naknada za debalans, koja su u nadležnosti Nezavisnog Operatora sistema u Bosni i Hercegovini,
- n) u ime privilegovanih proizvođača, vrši isplatu sredstava za balansiranje elektroenergetskog sistema nadležnom tijelu,
- o) vodi poseban transakcijski račun za obračun i plaćanje električne energije proizvedene iz obnovljivih izvora energije i efikasne kogeneracije,
- p) provodi propisane aktivnosti vezane za promovisanje obnovljivih izvora energije i efikasne kogeneracije,
- q) dostavlja polugodišnje i godišnje izvještaje o poslovanju Ministarstvu i FERK-u,
- r) vodi registar garancije porijekla kako je opisano u čl. 11., 12. i 17. Zakona, izdaje, vrši prijenos i poništavanje garancija porijekla električne energije, te energije grijanja i hlađenja,
- s) vodi registar projekata,
- t) vodi evidenciju o realizaciji i poštivanju procedura otkupa energije iz OIE,
- u) postupa po zahtjevima iz člana 23. Zakona, odnosno rješava:
  - 1) zahtjeve za dobijanje statusa privilegovanog proizvođača električne energije koji kvalifikovani proizvođač podnosi Operatoru uz odgovarajuće dokaze u skladu sa pozitivnim zakonskim propisima koji regulišu ovu oblast,

- 2) zahtjeve za dobijanje statusa potencijalnog privilegovanog proizvođača koji investitor podnosi Operatoru;
- v) javno objavljuje, na svojoj internet stranici, sljedeće informacije:
- 1) informacije o dinamičkim kvotama za sve vrste postrojenja koja koriste obnovljive izvore energije i efikasne kogeneracije, sa ažuriranim pokazateljima popunjenosti kvota za svaki tip postrojenja,
  - 2) ažuriran spisak kvalifikovanih proizvođača/investitora koji su dobili status privilegovanog/potencijalnog privilegovanog proizvođača, navodeći datum podnošenja zahtjeva, tipa postrojenja i instalisane snage postrojenja,
  - 3) ažuriran spisak kvalificiranih proizvođača/investitora koji su prihvatili da budu na listi čekanja, navodeći datum podnošenja zahtjeva, tip postrojenja i instalisanu snagu postrojenja,
- w) obavlja i druge djelatnosti utvrđene Zakonom.

#### Član 7.

(Klasifikacija djelatnosti)

Operator u okviru nadležnosti propisanih Zakonom i Odlukom, obavlja sljedeće djelatnosti:

- 71.20 Tehničko ispitivanje i analiza;
- 72.19 Ostalo istraživanje i eksperimentalni razvoj u prirodnim, tehničkim i tehnološkim naukama;
- 73.20 Istraživanje tržišta i ispitivanje javnoga mnijenja;
- 84.13 Reguliranje i doprinos poboljšavanju poslovanja u privredi;
- 35.14 Trgovina električnom energijom.

#### Član 8.

(Ostale djelatnosti)

- (1) Pored poslova koji su propisani Zakonom, Operator vrši i istraživačke poslove i poslove informisanja javnosti o podsticajnim mjerama za obnovljive izvore energije i efikasnu kogeneraciju, razvija odgovarajuće edukativne programe, organizira javne i stručne rasprave, radionice i obuke, kako bi informacije o korištenju obnovljivih izvora energije i efikasne kogeneracije, kao što su: korist od upotrebe obnovljivih izvora energije i efikasne kogeneracije, dodatni troškovi koje upotreba obnovljivih izvora energije i efikasne kogeneracije iziskuje, kao i ostale praktične informacije, blagovremeno stigle do zainteresiranih strana i građana u Federaciji Bosne i Hercegovine, kao i druge poslove koji su neposredno povezani sa osnovnom djelatnošću Operatora.
- (2) Operator može zaključivati ugovore ili obavljati druge pravne poslove iz okvira svoje djelatnosti koja je upisana u Registar, kao i druge pravne poslove utvrđene ovim Statutom.
- (3) Operator može, bez upisa u Registar, da vrši i druge djelatnosti koje služe djelatnosti u manjem obimu ili povremeno ili koje doprinose potpunijem iskorištavanju i unapređenju obnovljivih izvora energije i efikasne kogeneracije u Federaciji Bosne i Hercegovine.

#### Član 9.

(Način obavljanja djelatnosti)

Poslovi iz člana 6., 7. i 8 ovog Statuta obavljaju se u okviru organizacionih jedinica Operatora.

## DIO ČETVRTI: NADLEŽNOSTI MINISTARSTVA I FERK-a

### Član 10.

(Nadzor nad radom Operatora)

- (1) Rad i poslovanje Operatora regulišu i nadziru Ministarstvo i FERK, svako u okviru svojih nadležnosti.
- (2) Rad i poslovanje Operatora reguliše i nadzire FERK u skladu sa uslovima propisanim u dozvoli/licenci za rad koju izdaje FERK, podzakonskim aktima FERK-a, Zakonom i Zakonom o električnoj energiji u Federaciji Bosne i Hercegovine.
- (3) Rad i poslovanje Operatora reguliše i nadzire Ministarstvo u skladu sa Zakonom, Zakonom o električnoj energiji u Federaciji Bosne i Hercegovine, podzakonskim propisima i Odlukom.
- (4) Operator, u skladu sa Zakonom i podzakonskim aktima dostavlja najmanje jednom godišnje nadležnim organima (Vladi Federacije Bosne i Hercegovine, Ministarstvu i FERK-u) polugodišnje i godišnje izvještaje o poslovanju, kao i sve druge neophodne akte (izvještaje, planove, prijedloge, procjene, scenarije i sl.).

### Član 11.

(Podnošenje izvještaja o radu)

Operator, putem Ministarstva, najmanje jednom godišnje podnosi polugodišnje i godišnje izvještaje o svom radu Vladi Federacije Bosne i Hercegovine.

## DIO PETI: NAČIN RADA

### Član 12.

(Način odlučivanja)

O pitanjima iz svoje nadležnosti Operator će odlučivati putem općih i pojedinačnih akata.

### Član 13.

(Savjesnost u obavljanju poslova)

- (1) Organi Operatora i njegovi radnici obavezni su svoje funkcije, odnosno poslove, obavljati savjesno i u skladu sa pravilima struke, te su dužni održavati dignitet Operatora.
- (2) Oni su se dužni pridržavati Etičkog kodeksa Operatora.
- (3) Članovi organa Operatora i njegovi radnici ne smiju koristiti svoj rad u Operatoru, niti njegov dignitet, za ostvarivanje ličnih ili drugih ciljeva koji su nespojivi sa Zakonom i Etičkim kodeksom Operatora.
- (4) Postupak donošenja odluka iz svoje nadležnosti Operator će regulirati posebnim općim aktima.

## DIO ŠESTI: FINANSIRANJE RADA

### Član 14.

(Prihodi Operatora)

- (1) Operator se finansira:
  - a) dijelom iz sredstava prikupljenih iz naknada za podsticanje ostvarenih u skladu sa članom 22. Zakona,
  - b) iz prihoda koje ostvari po osnovu izdavanja upravnih akata, u skladu sa internim aktima koje donosi Operator, i
  - c) iz drugih prihoda i izvora ostvarenih u skladu sa Zakonom, Zakonom o električnoj energiji u Federaciji Bosne i Hercegovine i drugim propisima.
- (2) Sredstva Operatora vode se na bankovnom računu Operatora.

### Član 15.

(Način korištenja prihoda Operatora)

- (1) Poslovanje Operatora neće se vršiti u svrhu ostvarivanja dobiti, a prihodi Operatora koristit će se isključivo u svrhu provođenja njegovih ciljeva.

- (2) Ukoliko su prihodi veći od rashoda, Operator je obavezan da izvrši prenos sredstava u narednu godinu i ista utroši u skladu sa važećim propisima koji regulišu ovu oblast.

#### Član 16.

(Podnošenje izvještaja o radu i poslovanju)

Uprava Operatora najmanje jednom godišnje Upravnom odboru podnosi polugodišnji i godišnji izvještaj o radu i poslovanju, sa finansijskim izvještajem i izvještajem nezavisne revizije.

### ДИО СЕДМИ: ОРГАНИ ОПЕРАТОРА

#### Član 17.

(Organi Operatora)

Organi Operatora su:

- 1) Upravni odbor i
- 2) Uprava.

### ПОГЛАВЉЈЕ I. УПРАВНИ ОДБОР

#### Član 18.

(Sastav, imenovanje, mandat, odgovornost i način rada)

- (1) Upravni odbor Operatora ima tri člana.
- (2) Postupak imenovanja i razrješenja predsjednika i članova Upravnog odbora vrši se u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08), Odlukom i ovim Statutom.
- (3) Članovi Upravnog odbora, pored opštih uslova, moraju ispunjavati i sljedeće posebne uslove:
  - a) visoka stručna sprema (VII stepen) iz oblasti inženjersva, ekonomije ili prava, i
  - b) najmanje pet godina radnog staža u struci i stručnost u energetskom sektoru.
- (4) Predsjednika i članove Upravnog odbora Operatora, nakon provedene procedure iz stava (2) ovog člana, imenuje Vlada Federacije Bosne i Hercegovine.
- (5) Upravni odbor Operatora imenuju se na period od četiri godine.
- (6) Predsjednik i članovi Upravnog odbora ne mogu obavljati dužnost u više od 2 (dva) uzastopna mandata.
- (7) Upravni odbor je dužan donijeti Poslovnik o radu Upravnog odbora.
- (8) Odgovornost i način rada Upravnog odbora bliže se uređuju pravilnicima Operatora.

#### Član 19.

(Naknada za rad)

- (1) Mjesečna naknada za rad predsjednika i članova Upravnog odbora uređuje se ugovorom koji Operator zaključuje sa predsjednikom i članovima Upravnog odbora.
- (2) Ugovor iz stava (1) ovog člana u ime Operatora potpisuje direktor Operatora.
- (3) U skladu sa članom 7. Zakona o plaćama i drugim materijalnim pravima članova organa upravljanja institucija Federacije Bosne i Hercegovine i javnih preduzeća u većinskom vlasništvu Federacije Bosne i Hercegovine ("Službene novine Federacije BiH", broj: 12/09), ugovor iz stava (1) ovog člana, putem Ministarstva, dostavlja se premijeru Federacije Bosne i Hercegovine, radi dobivanja pismene saglasnosti.

#### Član 20.

(Nadležnosti)

Upravni odbor ima sljedeće nadležnosti:

- a) nadzire rad Uprave;

- b) daje upute Upravi za provođenje uviđaja u vezi sa uočenim nepravilnostima;
- c) predlaže, putem Ministarstva, Vladi Federacije Bosne i Hercegovine Statut;
- d) usvaja polugodišnji i godišnji izvještaj o poslovanju Operatora, kao i sve drugo (izvještaje, planove, prijedloge, procjene, scenarija i sl.) koje je podzakonskim propisima iz ove oblasti utvrđeno da ih Operator dostavlja nadležnim organima (Vladi Federacije Bosne i Hercegovine, Ministarstvu i FERK-u);
- e) utvrđuje smjernice o provođenju poslovne politike i obaveza;
- f) usvaja i nadzire provođenje planova poslovanja;
- g) donosi odluke o pitanjima koja su upućena od strane Uprave;
- h) usvaja opće i pojedinačne akte iz svoje nadležnosti;
- i) najmanje jednom godišnje podnosi, putem Ministarstva, Vladi Federacije Bosne i Hercegovine, polugodišnje i godišnje izvještaje o svom radu;
- j) vrši i druge poslove u skladu sa Zakonom i Statutom Operatora.

#### Član 21.

(Donošenja odluka i prestanak mandata)

- (1) Odluke Upravnog odbora donose se većinom glasova od ukupnog broja članova Upravnog odbora.
- (2) Predsjedniku i članovima Upravnog odbora na osnovu odluke Vlade Federacije Bosne i Hercegovine prestaje mandat:
  - 1) istekom mandata;
  - 2) ostavkom;
  - 3) razrješenjem prije isteka mandata;
  - 4) nastupanjem smetnji za obavljanje funkcije.

### ПОГЛАВЉЈЕ II. УПРАВА

#### Član 22.

(Sastav)

Upravu Operatora čini Direktor.

#### Član 23.

(Imenovanje i mandat)

- (1) Postupak imenovanja i razrješenja Direktora, vrši se u skladu sa Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08), Odlukom i Statutom Operatora.
- (2) Direktora Operatora, nakon provedene procedure iz stava (1) ovog člana, imenuje Vlada Federacije Bosne i Hercegovine.
- (3) Direktor Operatora imenuje se na period od četiri godine.
- (4) Direktor Operatora ne može obavljati dužnost u više od 2 (dva) mandata uzastopno.

#### Član 24.

(Uslovi za imenovanje)

- (1) Direktor Operatora treba ispunjavati sljedeće uslove:
  - a) da je stariji od 18 godina;
  - b) da je državljanin Bosne i Hercegovine;
  - c) da posjeduju zdravstvenu sposobnost za obavljanje funkcije na koju se imenuju;
  - d) da ima najmanje tri godina radnog staža u struci;
  - e) da nije osuđivan za krivično djelo ili prekršaj;
  - f) da mu bilo kojim zakonom nije zabranjeno obavljanje dužnosti.
- (2) Pored uslova iz stava (1) ovog člana, Direktor treba ispunjavati i sljedeće uslove:

- da ima VSS, VII stepen stručne spreme, odnosno visoko obrazovanje prvog ciklusa (koje se vrednuje sa 240 ECTS bodova) ili drugog ili trećeg ciklusa Bolonjskog sistema studiranja - elektrotehnički ili drugi fakultet tehničkog ili društvenog smjera.

#### Član 25.

(Plaća i druga materijalna prava)

- (1) Plaća i druga materijalna prava Direktora uređuju se ugovorom koji Upravni odbor zaključuje sa Direktorom.
- (2) Ugovor iz stava (1) ovog člana u ime Upravnog odbora potpisuje predsjednik Upravnog odbora.
- (3) U skladu sa članom 6. Zakona o plaćama i drugim materijalnim pravima članova organa upravljanja institucija Federacije Bosne i Hercegovine i javnih preduzeća u većinskom vlasništvu Federacije Bosne i Hercegovine ("Službene novine Federacije BiH", broj 12/09), ugovor iz stava (1) ovog člana, putem Ministarstva, dostavlja se premijeru Federacije Bosne i Hercegovine, radi dobivanja pismene saglasnosti.

#### Član 26.

(Nadležnosti)

Uprava Operatora ima sljedeće nadležnosti:

- 1) zastupa i predstavlja Operatora prema trećim licima;
- 2) odgovara za zakonitost rada Operatora u okviru svojih nadležnosti;
- 3) organizuje i rukovodi procesom rada, vodi poslovanje Operatora;
- 4) predlaže Upravnom odboru polugodišnji i godišnji izvještaj o poslovanju Operatora, kao i sve druge akte (pravilnike, izvještaje, planove, prijedloge, procjene, scenarije i sl.) koje je podzakonskim propisima iz ove oblasti utvrđeno da ih Operator dostavlja nadležnim organima (Vladi Federacije Bosne i Hercegovine, Ministarstvu i FERK-u);
- 5) predlaže i realizira planove poslovanja;
- 6) podnosi izvještaje po izvršenom planu poslovanja Upravnom odboru Operatora;
- 7) provodi Etički kodeks Operatora;
- 8) izrađuje provedbene propise za postupak nabavke i provođenje važećih zakona i propisa o postupku nabavki;
- 9) usvaja opće i pojedinačne akte Operatora iz svoje nadležnosti;
- 10) predlaže i priprema opće akte iz nadležnosti Operatora i dostavlja ih Upravnom odboru na usvajanje i donošenje;
- 11) brine o provođenju općih akata i donosi upute u vezi njihove primjene;
- 12) brine o namjenskom trošenju sredstava Operatora;
- 13) odlučuje u vezi ostvarivanja javnih ovlaštenja Operatora;
- 14) priprema prijedlog o raspodjeli razlike između prihoda i rashoda;
- 15) izvještava Upravni odbor na zahtjev Upravnog odbora;
- 16) donosi odluke u skladu sa planom poslovanja Operatora;
- 17) vrši zapošljavanje i otpuštanje radnika u skladu sa postupcima utvrđenim u općim aktima Operatora, te važećim zakonskim i podzakonskim aktima.

#### Član 27.

(Prenos ovlaštenja)

- (1) Direktor Operatora može, u okviru svojih ovlaštenja, ovlastiti drugu osobu – zaposlenika Operatora da potpisuje akte Operatora na osnovu punomoći u pisanoj formi.
- (2) U punomoći iz stava (1) ovog člana utvrđuje se vrsta, obim i trajanje ovlaštenja.

#### Član 28.

(Odgovornost)

Direktor za svoj rad odgovara Upravnom odboru i Vladi Federacije BiH.

#### Član 29.

(Savjesnost u obavljanju dužnosti)

Direktor i Upravni odbor Operatora su dužni svoju dužnost obavljati savjesno i odgovorno, te se pridržavati zakona, Statuta, općih akata i Etičkog kodeksa Operatora.

#### Član 30.

(Način prestanka mandata)

Direktoru Operatora prestaje mandat:

- 1) istekom mandata;
- 2) ostavkom;
- 3) razrješenjem prije isteka mandata;
- 4) nastupanjem smetnji za obavljanje funkcije;
- 5) prestankom radnog odnosa, u skladu sa zakonom.

### POGLAVLJE III. RAZRJEŠENJE UPRAVE I UPRAVNOG ODBORA

#### Član 31.

(Razlozi za razrješenje Uprave i Upravnog odbora)

- (1) Razlozi za razrješenje Direktora i Upravnog odbora u Operatoru su sljedeći:
  - a) neispunjavanje odgovornosti i obaveza u skladu sa važećim zakonima;
  - b) dodjela ugovora o nabavci u suprotnosti sa važećim zakonima o nabavci;
  - c) učešće u sukobu interesa;
  - d) učešće u aktivnosti koja je zabranjena zakonskim i podzakonskim aktima;
  - e) svjesno ili nesvjesno obavljanje aktivnosti čija je posljedica materijalna šteta po Operatora;
  - f) izvršenje krivičnog ili drugog protivpravnog djela kojim se uzrokuje šteta po Operatora;
  - g) postupanje protivno ovom Statutu, Etičkom kodeksu i drugim općim aktima Operatora;
  - h) neopravdano neizvršavanje odluka, naloga, zaključaka i drugih akata Upravnog odbora, Vlade Federacije i drugih nadležnih institucija,
  - i) drugo činjenje ili nečinjenje kojima se nanosi šteta Operatoru.
- (2) Ukoliko neki od članova Upravnog odbora ili Direktor izvrši neku od radnji iz stava (1) ovog člana, Ministarstvo je dužno, po saznanju za okolnosti iz stava (1) ovog člana, Vladi Federacije BiH predložiti njegovo razrješenje.

#### Član 32.

(Obaveza prijavljivanja neregularnosti)

Ako bilo koji član Upravnog odbora ili Direktor ili radnik Operatora dođe do saznanja o bilo kojoj informaciji za koju smatra da predstavlja dokaz o materijalnom kršenju zakona, pravilnika ili drugih propisa koji se odnose na rad Operatora, dužan je ukazati na tu informaciju Upravi, Upravnom odboru, Vladi Federacije BiH, Ministarstvu, FERK-u i drugim nadležnim organima.

### POGLAVLJE IV. SEKRETAR

#### Član 33.

(Uslovi, ovlaštenja i odgovornosti Sekretara)

- (1) Operator ima sekretara, koji ima status radnika Operatora, koji, pored općih uslova, mora ispunjati i posebne uvjete, i to:
  - a) diplomirani pravnik sa tri godina radnog staža u struci,
  - b) da nije osuđivan za krivično djelo ili privredni prestup i da se protiv njega ne vode takvi postupci.
- (2) Sekretar je odgovoran za pripremu sjednica Upravnog odbora, vođenje zapisnika sa sjednica Upravnog odbora,

odgovoran je za koordinaciju i saradnju sa organizacionim jedinicama Operatora s ciljem izvršavanja zaduženja Uprave i Upravnog odbora i za druge poslove u skladu sa Pravilnikom o radu.

- (3) Sekretar je ovlašten za provođenje odluka Upravnog odbora i Uprave.
- (4) Za svoj rad Sekretar odgovara Upravnom odboru i Direktoru.
- (5) Prava i obaveze iz radnog odnosa Sekretara bliže se uređuju Pravilnikom o radu i ugovorom o radu.

#### **DIO OSMI: AKTI OPERATORA**

##### Član 34.

(Vrste akata Operatora)

Operator donosi opće i pojedinačne akte.

##### Član 35.

(Opći akti)

- (1) Opći akti su akti neophodni za rad Operatora, u skladu sa Zakonom, Zakonom o električnoj energiji u Federaciji Bosne i Hercegovine i drugim propisima, i to:
  - a) Etički kodeks,
  - b) Pravilnik o radu,
  - c) Pravilnik o finansijskom poslovanju i računovodstvu,
  - d) Pravilnik o kancelarijskom poslovanju,
  - e) Pravilnik o arhivskom poslovanju,
  - f) Pravilnik o upotrebi, čuvanju i uništavanju pečata,
  - g) Poslovnik o radu Upravnog odbora,
  - h) Pravilnik o povjerljivim informacijama,
  - i) drugi opći akti predviđeni Zakonom, podzakonskim aktima, kao i akti neophodni za rad Operatora.
- (2) Opće akti iz stava (1) ovog člana na prijedlog Uprave usvaja Upravni odbor u roku od tri mjeseca od dana stupanja na snagu ovog Statuta.
- (3) Vlada Federacije Bosne i Hercegovine će, na prijedlog Ministarstva, donijeti Pravilnik o organizaciji i sistematizaciji radnih mjesta i Pravilnik o plaćama i naknadama.

##### Član 36.

(Pojedinačni akti)

Putem pojedinačnih akata Operator odlučuje o pitanjima iz svoje nadležnosti, kao i o internim administrativnim pitanjima, kao što su raspoređivanja na pojedine poslove i zadatke, prava, obaveze i dužnosti radnika i sl.

#### **DIO DEVETI: TRANSPARENTNOST I ZAŠTITA POVJERLJIVIH INFORMACIJA**

##### Član 37.

(Transparentnost rada)

- (1) Operator osigurava javnosti dostupnost svojih akata, registara i drugih Zakonom i podzakonskim aktima propisanih informacija.
- (2) Radi potpunijeg informisanja o svom radu, Operator objavljuje posebne publikacije, biltene, saziva konferenciju za novinare i uređuje internet stranicu.
- (3) S ciljem osiguravanja transparentnog postupka dodjele statusa privilegovanog ili potencijalnog privilegovanog proizvođača, Operator za OIEiEK na svojoj internet stranici javno objavljuje sljedeće informacije:
  - a) informacije o dinamičkim kvotama za sve vrste postrojenja koja koriste OIEiEK sa ažurnim pokazateljima popunjenosti kvota za svaki tip postrojenja,
  - b) ažuriran spisak kvalifikovanih proizvođača/investitora koji su dobili status privilegovanog/ potencijalnog privilegovanog proizvođača, navodeći datum

podnošenja zahtjeva, tipa postrojenja i instalisane snage postrojenja,

- c) ažuriran spisak kvalifikovanih proizvođača/investitora koji su prihvatili da budu na listi čekanja, navodeći datum podnošenja zahtjeva, tipa postrojenja i instalisane snage postrojenja.

##### Član 38.

(Pojam povjerljive informacije)

- (1) Pod povjerljivom informacijom smatra se svaka informacija koja je zakonom, drugim propisom, općim aktom ili drugim aktom Operatora ili drugog nadležnog organa ili pravnog lica donesenim na osnovu zakona određena povjerljivom i koja, ukoliko se otkrije, može ugroziti interese Operatora, drugih pravnih ili fizičkih lica.
- (2) Neće se smatrati otkrivanjem povjerljivih informacija Parlamentu Federacije BiH ili drugoj nadležnoj instituciji, preko izvještaja odobrenih od Operatora, a Operator će poduzeti odgovarajuće mjere da dostavljene informacije i dalje budu tretirane kao povjerljive od strane kojima se dostavljaju.

##### Član 39.

(Lica koja su obavezna čuvati povjerljive informacije)

Predsjednik i članovi Upravnog odbora, Direktor i radnici Operatora obavezni su čuvati povjerljive informacije koje su im dostupne u obavljanje dužnosti i poslova u Operatoru, u skladu sa pravilima i propisima Operatora.

##### Član 40.

(Procedure za zaštitu povjerljivih informacija)

Procedure za zaštitu povjerljivih informacija regulisane su posebnim pravilnikom.

#### **DIO DESETI: STATUS I PRESTANAK OPERATORA**

##### Član 41.

(Osnivanje, status i djelatnost)

- (1) Operator je osnovan na neodređeno vrijeme, kao neprofitno pravno lice, u skladu sa Zakonom, s ciljem stvaranja institucionalne strukture za operacionalizaciju sistema poticaja proizvodnje i otkupa električne energije iz postrojenja koja koriste obnovljive izvore energije i efikasnu kogeneraciju na prostoru Federacije Bosne i Hercegovine i obavljanja registrovane djelatnosti.
- (2) Operator nema status snabdjevača.
- (3) Svoju djelatnost Operator obavlja u skladu sa Zakonom, Zakonom o električnoj energiji Federacije Bosne i Hercegovine, dozvolom koju izdaje FERK i drugim zakonskim i podzakonskim aktima.

##### Član 42.

(Prestanak)

Operator prestaje na način i po postupku propisanim Zakonom.

#### **DIO JEDANAESTI: TUMAČENJE, IZMJENE I DOPUNE STATUTA**

##### Član 43.

(Tumačenje Statuta)

Autentično tumačenje odredaba ovog Statuta daje Federalno ministarstvo energije, rudarstva i industrije.

##### Član 44.

(Izmjene i dopune Statuta)

Izmjene i dopune ovog Statuta donose se na način i po postupku propisanom za njegovo donošenje.

**DIO DVANAESTI: PRELAZNE I ZAVRŠNE ODREDBE****Član 45.**

(Prava iz radnog odnosa pomoćnika Direktora)

Prava iz radnog odnosa pomoćniku direktora Operatora ostaju nepromijenjena, do donošenja Pravilnika o organizaciji i sistematizaciji radnih mjesta, nakon čega će se istom ponuditi raskid Ugovora o radu sa ponudom novog ugovora o radu.

**Član 46.**

(Stupanje na snagu)

- (1) Stupanjem na snagu ovog Statuta prestaje da važi Statut Operatora broj 01-242/14 od 02.09.2014. godine i broj 01-806/16 od 08.09.2016. godine.
- (2) Ovaj Statut stupa na snagu narednog dana od dana objavljivanja u "Službenim novinama Federacije BiH".

V. broj 1654/2020

03. decembra/prosinca 2020. godine  
SarajevoPremijer  
**Fadil Novalić**, s. r.**FEDERALNA DIREKCIJA  
ROBNIH REZERVU****1880**

Na osnovu člana 56. stav 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), tačke 5. Uputstva za rad popisnih komisija i obavljanja priprema za popis u Federalnoj direkciji robnih rezervi broj 01-02-2-708/08 od 31.12.2008. godine i dopune Uputstva za rad popisnih komisija i obavljanja priprema za popis u Federalnoj direkciji robnih rezervi broj 01-02-2-708-1/08 od 12.12.2011. godine, direktor Federalne direkcije robnih rezervi donosi

**RJEŠENJE****O IMENOVANJU KOMISIJE ZA PROVOĐENJE  
REDOVNOG GODIŠNJEG POPISA ZA 2020. GODINU**

1. Imenuje se Komisija za popis stalnih sredstava, obaveza i potraživanja na dan 31.12.2020. godine u sastavu:
  - Mirela Trnka, predsjednik
  - Anida Bašić, član
  - Boris Marić, član
  - Žaneta Tomić, član
2. Zadatak Komisije je da u skladu sa Zakonom o računovodstvu i reviziji u FBiH ("Službene novine Federacije BiH", broj 83/09) i Pravilnikom o knjigovodstvu proračuna u FBiH izvrši popis stalnih sredstava, sitnog inventara u upotrebi, obaveza, potraživanja i blagajne za 2020. godinu, sa stanjem na dan 31.12.2020. godine.
3. Način rada Popisne komisije propisan je Uputstvom za rad popisnih komisija i obavljanja priprema za popis u Federalnoj direkciji robnih rezervi broj 01-02-2-708/08 od 31.12.2008. godine i dopunom Uputstva za rad popisanih komisija i obavljanja priprema za popis u Federalnoj direkciji robnih rezervi broj 01-02-2-708-1/08 od 12.12.2011. godine.
4. Predsjedniku, članovima i sekretaru popisne komisije isplatit će se naknada u skladu sa članom 41. Zakona o plaćama i naknadama u organima vlasti Federacije Bosne i Hercegovine ("Službene novine Federacije BiH", broj 45/10) i čl. 9. i 10. Uredbe o načinu osnivanja i utvrđivanju visine naknade za rad radnih tijela osnovanih od strane Vlade Federacije Bosne i Hercegovine i rukovoditelja federalnih organa državne službe ("Službene novine Federacije BiH", br. 48/14, 77/14, 97/14 i 58/15).

5. Rješenje stupa na snagu danom donošenja i objavit će se u "Službenim novinama Federacije BiH".

Broj 01-11-6-138-1/20

02. decembra/prosinca 2020. godine  
Sarajevo

(SI-1480/20-F)

Direktor  
**Tončo Bavrka**, s. r.**OPĆINA ILIDŽA****1881**

Na osnovu člana 25. Zakona o ustanovama ("Službeni list RBiH", broj 6/92, 8/93 i 13/94), člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 90. Statuta Općine Ilidža - Prečišćeni tekst ("Službene novine Kantona Sarajevo", br. 33/10) i člana 18. Odluke o osnivanju JU za kulturu, sport i rekreaciju Hrasnica - Ilidža ("Službene novine Kantona Sarajevo", br. 22/01), općinski načelnik donosi

**RJEŠENJE****O IMENOVANJU ČLANA UPRAVNOG ODBORA JAVNE  
USTANOVE ZA KULTURU, SPORT I REKREACIJU  
HRASNICA-ILIDŽA****I**

Imenuju se član Upravnog odbora iz reda zaposlenika Javne ustanove za kulturu, sport i rekreaciju Hrasnica-Ilidža:

**Edin Dedić**, ekonomist - član iz reda zaposlenika**II**

Mandat člana Upravnog odbora iz tačke I ovog rješenja traje do 27.11.2022. godine, kada prestaje četvorogodišnji mandat već imenovanom predsjedniku i članovima Upravnog odbora.

**III**

Ovo rješenje stupa na snagu danom donošenja i objavit će se u "Službenim novinama Federacije BiH".

Broj 02-04-3080/20-6

30. novembra/studenoga  
2020. godine  
IlidžaOpćinski načelnik  
Prof. dr. **Senaid Memić**, s. r.  
(SI-1487/20-F)**1882**

Na osnovu člana 25. Zakona o ustanovama ("Službeni list RBiH", broj 6/92, 8/93 i 13/94), člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 90. Statuta Općine Ilidža - Prečišćeni tekst ("Službene novine Kantona Sarajevo", br. 33/10) i člana 15. Odluke o osnivanju JU za kulturu, sport i rekreaciju Hrasnica-Ilidža ("Službene novine Kantona Sarajevo", br. 22/01), općinski načelnik donosi

**RJEŠENJE****O IMENOVANJU PREDSEDNIKA I ČLANA  
NADZORNOG ODBORA JAVNE USTANOVE ZA  
KULTURU, SPORT I REKREACIJU HRASNICA-ILIDŽA****I**

Imenuje se predsjednik i član iz reda zaposlenika Nadzornog odbora Javne ustanove za kulturu, sport i rekreaciju Hrasnica-Ilidža: